

Չուհահանոցի սայլը՝ մանող ու զգող աշխատաւորուհիներով: Երեկոյեան քաղաքը հրավառւած էր: Ժողովրդի համար կաղմակերպւած էին ձրի դասախօսութիւններ, շարժապատկերի ներկայացումներ, դրօսանք քաղաքային պարտէզում:

Նոյն խանդավառութիւնն ու հանդիսաւորութիւնը և Վաղարշապատում: Քաղաքը պճնազարդւած էր գոյնգոյն: Քաղաքի հրապարակում և ճեմարանի դրան առջև կանգնեցւած էին ազատութեան կամարներ: Շրջակայ դիւղերից ժողովուրդը խումբ-խումբ, դրօշակներով ու երգերով, լեցել էր քաղաք: Զօրք, ժողովուրդ, բանւորներ, աշակերտներ, հիմնարկութեանց ներկայացուցիչներ խոնւում էին էջմիածնի բակում: Հանդիսաւոր պատարագից ու հանրապետական մաղթանքից յետոյ եղան ողջոյններ ու ճառեր և կատարեց զօրահանդէս: Յետոյ քաղաքի զանազան մասերում տեղի ունեցան միտինգներ, շքերթ, ժողովրդական հանդէսներ ու ճաշկերոյթ: Երեկոյեան՝ հրավառութիւն:

Համաժողովրդական հանդէսներ կատարեցին և Կարսում, Նոր-Բայազետում, Դիլիջանում, Ղարանլուխում, Փարաքարում, Արդահանում, Իգդիրում, Զալալ-Օղլիում, Գեչիչքեանդում — ամէն տեղ: Երբե՛ք, մինչև այդ, Հայաստանի ժողովուրդը նման ուրախութիւն չէր յայանարերել, երբե՛ք «Մեր Հայրենիք»-ը չէր հնչել այնպէս անկեղծ, լիաթօք ու խրոխտ: Հայաստանի բոլոր ծայրերում, ամենքի բերանից լսում էր —

Մեր Հայրենիք, ազա՛տ, անկա՛խ,

Մեր քշմամուց ազաւում...